

Kolosi **Pâlaŋ Kolosi mkaen am** **nâmkinpepemak mamaip** **ekŋengat zapat meluwaŋ kapi** **kumindaye**

Zapat meluwaŋ kapi Pâlaŋ kuye. Egaŋ Loma msalen mka katikŋan kekpeme tati kuye. Kolosi mka temaŋ ke Loma gapmangalen plowins kwitnaŋ Esia msat temaŋ keyet keŋan tazin. Alak pigogak msat ke kwitnaŋ Teki makuip. Pâlaŋ maŋgeyen kan keyet Kolosi mka temaŋ ke dapmelanŋe msokbeye. Loma gapmanaŋ totatmiminjin ke mtatiŋgut butnaŋset mamekotemien.

Kolosi dapmelanŋe ke Pâlaŋ ku mwage. Ekŋen am Zuda maŋgeen ku sokbembenaŋ ekŋenaŋ dapmelanŋe ke msokbewien. Lukmak Pilemon ma Epapalas ekŋengat kwilin zapat meluwaŋ kapiyet keŋan tazin (4:12-13). Kolosi ke kegogak ekŋengalen mka (2:17) kegogapm nukŋaŋ sokbeme Epapalas zet zapat ke timti Pâlyet zesâgât Loma msalen mege.

Nukŋan kapigok sokbeye: Amnaŋ Kawawaŋgalen Zet Zapat Dolakŋaŋ Penanmak amgalen mama mimi ke pepebemi tim mamayet windenaŋ ikŋak ŋen penaŋ mbien. Nâmkinpepe kwitnaŋ belakŋaŋgat palen bemti nâmkinpepe penaŋ tazinnok belak nâwien keyet zemâtâtât notnaŋ zeye. Ensel ekŋengat sesewatindanda mbiengat nâme kegogak bekaŋaŋ beye.

Angalen nânâ yaŋ kwitnaŋ kwitnaŋ teman ma Kawawaŋgalen zet ke mme pepesut peye. Nuknaŋ sepem kekok sokbeme Epapalasiyaŋ bunam zapat timti Pâlmagen mege. Kolosi dapmelaŋge ekŋen Pilemon egalen mkaen maondaktemien.

Zet ŋoteknaŋ teman kapigogaŋ Kolosi zapat meluwaŋ keŋan talip:

1:1-14 Zet yaŋbemti zenzeyelen zet.

1:15-23 Kilais egaŋ Amobotnaŋ penaŋ bein.

1:24-2:7 Pâlaŋ dapmelaŋge ekŋengat mulup msâgât sek sindem timti mge.

2:8-23. Amgalen mama mimi etaŋ ke kume topme Kilaismagen mama ke timti mamayelen.

3:1-4:6 Kwatetepmaŋ mamayelen zemâtâtât zet notnaŋ.

4:7-18 Zet zeme delaŋ zenzeyelen zet.

1-2 Neŋ Kawawaŋaŋ iknaŋ Zisas Kilais egalen mulup an neŋ mamti egalen Zet Zapat Dolaknaŋ Penaŋ zempalaknaŋ bembeyelen nâmti nakumtetiye. Ma ningat notn Timoti nilisakwep zapat meluwaŋ kapi kumti Kawawaŋaŋ amŋane iknaŋgat zapat ombemindendeŋaŋ ma am Kilais manâmkiŋpemti wisat mimipiŋ Kolosi mkaen talip ingat bemalu kozin. Nît Kawawaŋ Bipm dundu samalu egaŋ keŋ taolet ma keŋ sewaknaŋ mimindawe.

Dundundunnan ingat wisikŋ Kawawaŋgat manzenup

3-4 In Zisas Kilais nâmkiŋpemti Kawawaŋgalen am mamaip ekŋen gogot mamimindamti maip

keyelen zet zapatnaŋ nit nâwelin keyet dundunduyen kan katanŋ Amobotnaŋ Zisas Kilais egat Bipmaŋ Kawawaŋgat wisikŋ zemti mandundulup.

⁵ Yaŋbembenŋ baen Kawawaŋgalen zet penaŋ ke inmagen kopme in Zisasiyaŋ kululuŋengatnaŋ toti ingat yomgapm gakiye ke nâmkijpemti ek kululuŋen eekgalen webemti mamaip. Naman kogogak webebenjin ekmagen tazin keyaŋ mme noline gogot mimindamti Kilais nâmkijpematalip.

⁶ Kawawaŋgalen Zet Zapat Dolakŋaŋ Penaŋ ke in nâmti egalen keŋ taolet mimindame penaŋ sukwep nâmkijpewien. Sepem kogogak msat katanŋ am sambemagen Kawawaŋgalen Zet Zapat Dolakŋaŋ Penaŋ keyaŋ meti penaŋaŋ Zisasmagen nâmkijpepe msokbeme kwati tasambelen mezin.

⁷ Epapalas ek Kilaisiyelen mulup an dolakŋaŋ nigat notn penaŋ. Nin nsakwep mulup an dolakŋaŋ. Egaŋ Kawawaŋgalen Zet Zapat Dolakŋaŋ Penaŋ keyet yaŋaŋ ningat mundum mnan tati inmagen zemâtâtindoye.

⁸ Egaŋ Emetak Teŋaŋ inmagen gogot mama ke indame keyet penaŋaŋ mamkawaŋ beip keyelen zet zapatnaŋ kot dinitdoye.

Kawawaŋaŋ Kolosi am nâmkijpepeŋin gwatnaŋ mimindendeyet Pâlaŋ mandundumtan

⁹ Kan ingalen zet zapalin yaŋbemti nâwelinen nit yaŋaŋ keboŋ keboŋ keyet oloŋen mti Kawawaŋgat omteŋ mandundusalup. Ma nit egaŋ nânâ indandayelen mawekumti kwitnaŋ kwitnaŋ Kawawaŋaŋ ikŋaŋ nâmtikŋaŋ mamin ke

mbep ma Emetak Tenan nânâ dolaknan indame mama mimi ten Kawawan galen ke mâbep.

¹⁰ In kekok mti Amobotnan nâmtiknan mbe keyet katnan mambep ma kwitnan kwitnan sambe mbep keyet egan olonen mbe. Ma ingalen mamanan keyan mulup kwitnan kwitnan mbep keyet penanan sokbemindawe. Kekok mti Kawawan nâmpemti mama keyan inmagen omba sememeyet mandundulup.

¹¹ Kawawan ek winde tonan keyepm egan winde indandayelen mandundulup. Ma egalen winderan dolaknan timtati in katiknan benti nuknan sambe sewak sewak nep gapuwep.

¹² Kawawan galen zemâtâtât katnanen mama busatnanmak mama ke nep motitiyet zetik mti ombemindaye. In kan katan Bipmnan gat keyet olonen palen wisikn manzemmambep.

Zisasiyelen mama miminan ma mulupman

¹³ Kawawan egan tambusosok tonan egalen windeengatnan ndatimti Nemunan gogot penan mamm egalen zemâtâtât gat katnanen mama keyet kenan met ndeye.

¹⁴ Egat tambusosok kenangan ndatiye keyet yan nan kapigok, egan ningalen yomgat dopman gakiki keyetnan ndakwitimti lala ndeye. Mti yomm sambe katikpepeyelen kekok mge.

¹⁵ Kawawan amnan ku ekbienan gut Kawawan gat yan nan penan nâsâgât Nemunan Zisasiyet mama miminan keeset ekti Kawawan gat yan nan nânâyelen. Zisasiyan kwitnan kwitnan sokbembepin tapme Kawawanmak mamti manje ma egan kwitnan

kwitnaŋ sambe Kawawaŋaŋ mge keyet Amobotnaŋin bein.

16 Eneyet Egaŋ mamti kululuŋengalen ma msalengalen ma kwitnaŋ kwitnaŋ keŋan we-mezin iŋŋaŋ msokbeye. Kwitnaŋ kwitnaŋ eekgalen msalen talip ma ku eekgalen kululuŋen talip ma ensel windenjinmak temakwep ma amobotnaŋ windenjinmak ma an damuŋ windenjinmak ke ilinsakwep egat zapat zeme sokbemti egat zetnaŋ kandenjan matalip.

17 Ek kwitnaŋ kwitnaŋ sokbembepiŋ tapme tipman baen mamkwage. Ma kwitnaŋ kwitnaŋ sambe ke egalen winde keyet palen dolakŋaŋ mawemkwazin.

18 Ma egat setnaŋ betnaŋ ma pemaŋ ke am nin egat manâmkijpenup keyet yaŋaŋ dapmelanŋane nin. Âpme egaŋ ningat ŋokasetn bein. Enenogat Egaŋ am gakikiengatnan wawat ke ŋeŋaŋ bem ndemti wage. Mti kwitnaŋ kwitnaŋ sambe keyet ŋotekŋaŋ beye.

19 Kogogapm Kawawaŋaŋ iŋŋaŋgat keŋaŋgalak Nemunaŋaŋ iŋŋaŋgalen sek sepem ilindiŋ bemisik peye.

20 Keyepmti Kawawaŋaŋ am sambe msalen ma kwitnaŋ kwitnaŋ kululuŋen ma msalen talip ekŋengat nâmti set weyaŋge ke Nemunaŋ peme toti tewen gakime sipmaŋ mulati mamasi msokbeye.

21 In eweŋan Kawawaŋgat kasaŋaŋ mamti bekanŋ sepem igak igak mti ŋoktikŋinan Kawawaŋ ku main nâmti bamkumpemti teleŋaŋ mambien.

22 Âpme Kilaisiyan nin masokbeip sepem kekok sokbemti ningalen kasa kasa mamann Kawawanmagen tage ke kume totogat tewen kume gakim wati alak nin Kawawanmak timet tustumndeme ekmak keŋ kwep bemndeme myunŋunŋupin teŋ Kawawanŋat zikatnan ndatime kotapmanup.

23 Kegok ke ŋep keyanŋut in nâmkinpepen kaliŋan bemti tepum miŋan gwetnaŋ mimiŋan nemboŋ bemti kululunen mebegalen webembenin Kawawanŋalen Zet Zapat Dolakŋan Penanŋan manzemsokbemindain ke ku ketalasiwep. Mme Kawawanŋalen Zet Zapat Dolakŋan Penanŋ ke neŋ keyelen mulup an kwaban ke am sambemagen timti msat sambe zempalakŋan be-mmâban.

24 Neŋ Kilaisiyelen buŋam zapatnaŋ dapmelanŋe inmagen mkawanŋ bema keyepmti neŋ sek sindem matiyap keyet nâma oloŋen penaŋ beinen keyet penaŋan inlak am nâmkinpepemak kwabien. Kilais egaŋ sek sindem temaŋ tiye sepem kekok neŋ dapmelanŋe in sambe Kilaisiyet setnaŋ betnaŋnok ingat mti sek sindem tusumti matiap.

25 Kawawanŋan neŋ dapmelanŋenane inmagen zetnaŋ sambe bekapi zempalakŋan bema in indamukulem mimiyele mulup annaŋ naombem neŋge. Kogogapm neŋ zetnaŋ ke ŋen kupema towewepin; ilindin mandiindoyap.

26 Zet ke kan teepmaŋ penaŋ enzililiŋan tapme am mamkwabien yaŋ alak pi Zisasiyet nembananeyaŋ ilin zemkawanŋ bemindame am nâmkinpepeninmagaŋ nâmâtâpme delaŋ zein.

27 Keyepmti am Zuda mangeen ku sokbe-
mbeñañ ekñenmagen Kawawañgalen zet en-
zililiñañ omba penañ keyet penañañ mobotñañ
penañ am nâmkijpepenimâk ingat tunguwinan
masokbemezin. Kilais keñinan mamain ek ke
zet enzililiñañ takwage keyet penañañ. Âpme in
ekmak mamaip keyepmti kululuñen egañ tazinen
ke ekmak moti mamambep.

28 Âpme in am sambe Kilaisiyet yañañ
zemkawañ bemindamti nânâ dolak dolakñañ
sambe ke diindomti añañoo zet mandiindonup.
Ke Kilaismagen tusumti egat zapat nâmkijpepen
katikñañ bemti an penañ bemti matalip
kegok Kawawañgat zikatnan timetindendeyet
mandiindonup.

29 Egalen windeyañ neñ namukulem mnemti m
eleñ beleñ bemneme mulupmañ ke sek sindem
palen amñane ekñenmagen mamiyap.

2

*Nâmkijpepe kaliñañ bemtati zet dâsuki notñañ
sambe bamkumpewep*

1 Neñ pigok diindoma nâit, in ma Laodosia
am ma am sambe notñañ in nâgât zimosetn ku
nâip yañgut neñ in nâmkijpepemak bembeyet sek
sindem palen mulup mamiap.

2 Neñ mulup sek sindem palen mamiap ke ingat
keñin mkipmañ bembeyet nâmti mamiap. Âpme
in nolinangat keñin bembe keyelen mamayañ
ke mme nolinemak keñ kwep bemti mambep.
Mti neñ in Kawawañgalen zet enzililiñañ tazin
keyet yañañ weyañ nâmâtâtâgat manâyap. Neñ

in ñoktik dolak dolakñañ keboñ titiyet manâyap. Kilais egañ ikñañ zet enzililiñan keyet penañan penañ bein.

³ Zet penañgat ñotekñañ temañ ma kwitnañ kwitnañgat yañañ nâmâtâtâgalen enzilipepeñañ ke Kilais ek etañ keyelen nânâ ma penañan penañ.

⁴ Am ñenañ zet kelakñañ mimindamti keñin mme yuñguwemagengapmti zet zesowap kapi eweñanegak saleñin tiyap.

⁵ Neñ sekñañ etañ beñañ pien mamayap, yañgut keñañ inmak mamti in Kilais nâmkiñpemti ekmagen tusumti mamaip ke otnâmti ingat nâma mobotnañ beme oloñen penañ mamimindayap.

Zisas nâmkiñpe mama keyañ mama penañ bein

⁶ In Kilais Zisas Amobotnañ ekmak kakanemuñ mamayet nâmti ekmak tusuwien keyepmti ekmak etañ watekumti mamambep.

⁷ Nâmkiñpepeñin keyañ kindiñinok beme Zisas-iyet mamañan time topme keyet palen imtati semem mobep. Kegok mimiyet zemzikat indandañgat mbep.

⁸ An ñenañ amgalen ñoktikeset tetimaemae zet belakñañ ñen zemti keñin mme yuñguwepgat indiksem indeemti mamambep. Zet yukwat yukwat keboñ ke ekñañan yeñpawine ekñengalen nânâ dâsuki notnañ ilinañgat keñinan manzeip ma msat palengalen nânâ dâsuki notnañ ke timamti manzeip, wa nânâ ke Kilaismagengatnañ yek.

⁹ Nâip, Kawawaŋgalen mama mimi ma totatanaŋ ilindiŋ keyet yaŋaŋ Nemunaŋ Kilaismagen sosok sokbembkawaŋ beye.

¹⁰ Keyepmti in ekmak tusumti maip keyaŋ zeinen in egat kandenan mamti kwileki ŋeniyet ku olapbep. Mme Kilaisiyaŋ we ŋeŋaŋ sambe ma ekŋengalen mobotnaŋ sambe ekŋengat ŋeŋaŋin temaŋ main.

¹¹⁻¹² In eweŋan sekŋin butnaŋ antimti mamamti keyet nâme piliŋ delaŋ zenzenepiŋ zemti mamtemien ke am ilin belinan kekok mti mambien. Yaŋ piliŋ alakŋaŋ Kilaismagengatnaŋ titiyelen ke keŋaŋ ekmagen tusumti kekok ke mimiyelen. Kawawaŋ winde toŋaŋ egaŋ Zisas gakikiŋaŋgatnaŋ mme wage manâmkiniŋpenup nin kekok mamaen mawatnup keyelen piliŋ tu zulutbenn, keyaŋ piliŋ penaŋ bein. Tu zulutbenn keyaŋ keŋ itnaŋaŋ pemaŋ tu nimti gakikiŋaŋnok weŋgeyaŋ mawen mme keŋ alakŋaŋaŋ Zisasmak mamayeen wabennaŋ mamanup.

¹³ In eweŋan mama alakŋaŋ ku timti yommak mamti gakikiyelen zapat mambien. Kekok mamme Kawawaŋaŋ yomm peme mepme ndatim kwati Kilaismak mamaen tusumndeye.

¹⁴ Am sambeyelen yomgat dopmaŋ titiyet zetnaŋ kumpepeŋaŋ ke mendelet peme mebegalen dopmaŋ Kawawaŋaŋ Zisas tep palen mot kumasasokpeye kan keyet yomgat dopmaŋ titiyelen Kawawaŋaŋ dopmaŋ ku titiyelen zemdelan pemâge.

¹⁵ Kekok mti Kawawaŋaŋ Nemunaŋ ketalasime yomgat dopmaŋ tewen gakiye keyaŋ we mobotnaŋ ma windemak ekŋen windenjin mtotindeme

delan zeme, egañ am sambe ekñengat zikalinan we mobotnañ ekñen ke ma winde sambe ekñen tetepulet mindeme ekmâtâbien.

16 Keyepmti an ñenañ ingat tu meu zigok niniyet zetnañ ma Sonda temañgat nimwian wian mamipgalen yañkwesisi ma eyonga alakña kwapme zigok mimiyelen ma Sabat tagoñgo kanganen zemâtâtât ekseseyelen notnañ ku mâlip zemi indome keyet sukñañ bembepiñ.

17 Kwitnañ kwitnañ sambe keboñ keboñ keyet nâman belak elewilinañ etañ keboñ bein. Penaññam bam sokbembenañ ke ilak Kilais yañin.

18 Ma an ñenañ kwitnañ kwitnañ penaññam pi ilak kie kie baen ege zemti ensel ekñengat kandañinan meti masesewatindain beme in an keboñgalen zet kandañan ku mebep. Am ekñen keboñ keyañ sekñ mmobot igagen mam mti mobotnañ sepem ikñak ikñak keboñ mammip.

19 An ekñen keboñ keyañ Zisasmak pepebe-mti kalinañ penañ kuma talip. Zisasiyañ dap-melañge sambe ningat ñokasetn beme nin egat setnañ betnañ ma pemañ mee keboñ benup. Âpme tetekñ temañ ñokasetnnañ gwaen omti tot epeemti setn betnnañ ma pemnañ mee mekoti temakwep tusumndeme sekñ kwep bemti mme segañ sememti Kawawaññañ nâme tazin keyet katañ temañ kwatabe.

20 In Kilaisiyelen gakikiñanen tusumti msatgalen winde sambe keñ mamyunquin bamkumpewienañ naman zigogat in msat kapiyet zapat mamaiwan mamti mamipnok zii zetnañ mañgawepuip?

²¹ In kwilekiyet zii zet keboŋ keyet kandaŋan mepme egaŋ “Pi atatapiŋ” “Pi ninipiŋ” “Pi taŋguŋgupiŋ.” Yukwat yukwat kekok mami-mindain.

²² Zet atindândâyelen keboŋ tetak ku tapmebe. Belaknik kapi tapmeti yek besâpm. Zemâtâtât zet ke amgalen zeletaŋ kegoŋapm am ɲep ku indamukulem mbep.

²³ An ekŋen keboŋ keyaŋ amgalen nânâ etaŋ mâti sekŋ sek sindem temaŋ ndamti nin sese-wat mulup mene mene mimiyet manndapitilip. Keyepmti nin mulup ke ekman dolakŋaŋ pe-naŋnok mambein. Yaŋgut ekŋengalen sesewat ma zemâtâtât zet keyaŋ keŋ itnaŋaŋgalen winde ke ku mamtopein.

3

In kwitnaŋ kwitnaŋ dolakŋaŋ gwaen tazin keyet webemti nâpeŋ mamambep

¹ In Kilais gakikiengatnan wawatnaŋmak tusuwiengapmti gwaen Kilaisiyaŋ Kawawaŋmak windeen matazin ke kwitnaŋ kwitnaŋin bembenaŋ ke met titiyet keŋin temaŋ keeset bemti webempeŋ mamambep.

² In keŋin temaŋ msalen kwitnaŋ kwitnaŋ tazin kapiyet bembepiŋ; kwitnaŋ kwitnaŋ dolakŋaŋ kululuŋen gwaen tazin nânâŋin keyet peme mepme nâpeŋ mamambep.

³ In Kilaismak gakiwienok bein. Mme Kawawaŋaŋ mama alakŋaŋ indamti ikŋaŋmak ma Nemuŋaŋ Zisasmak mamain enzilim ndeme

mamanuwen keyet yaŋaŋ alak kapigogak ewe ku eksokbembeyelen.

⁴ Mameti Kilais mamayet yaŋaŋ ŋotekŋaŋ temaŋ ingat toŋinnaŋ sokbemkawaŋ beme in egalen bemberaŋ kegogapm busatnaŋ senge sonŋa inmak temaŋ kwep keyet keŋan sosok mot sokbemkawaŋ bemti tabep.

⁵ Keyepmti in mama mimi ekŋen kabonŋ kapi keŋ itnaŋaŋgalen ekŋen kemagen ilak gaki-wienok nâmbep: imbimak set kilenŋ mama ma mama mimi okbi okbiŋaŋmak sambe bee ma sebet dindiŋ palen kwitnaŋ kwitnaŋ notnaŋ myuŋguŋgu ma kwitnaŋ kwitnaŋ bekananŋ mimiyet zet kelakŋaŋ mimi ma an ŋeniyelen kwitnaŋ kwitnaŋ kakim titi ma kawawaŋ dâsuki sesewatindanda.

⁶ Am sambe mama mimi mgasik kebonŋ kebonŋ mamip ekŋen ke maneti bam Kawawaŋaŋ mama mimiŋin mgasik keyet dopmaŋ mutumindawe.

⁷ Âpme in eweŋan mama mimi mgasik kebonŋ ke mmamti keyet nâme dolakŋaŋ beye. Ya pi in Kilaismak tusuwien keyaŋ in mama mimi alakŋanen tusuwienok bein. Mti in mama mimi bekananŋ kebonŋ ke bamkumpeme delaŋ zemâgeyepmti mama kapi ewe ku mimiyelen:

⁸ Ŋeŋziziŋ palen mama ma wâm kalem ma keŋ kwali kwali mama ma nolinaŋgat zekuku mimi ma zet sambuŋ zenze ma zet dâsuki zenze. Mama mimi mgasik sambe kebonŋ ke bamkumpeme delaŋ zemâpbe.

⁹ Mti mama mimi mgasikgalen tikŋaŋ keŋ itnaŋaŋaŋ indamandame set bekananŋ mebien e

ilak bamkumpemti peme tage ke ewe tenngupinj.

¹⁰ Mti in Kilaismak tusumti mama mimi dolakņan Zisasiyan amņane maindain ke Kawawan iķņan mama alakņan ke aikindaye kogogapm kan katan in ņoktik alakņan indamti indamukulem mme in Kawawan iķņanġat sepem bemti mama mimi ten mamimobogalen.

¹¹ Keyepmti manġe iķņak iķņak kalaņkumti mama keyan inmagen ku tabe. Glik am ekņenan manġenjin ņen ma Zuda am ekņenan manġenjin ņen ma am sekņin butnaņ antitiņan ekņenan manġenjin ņen ma am sekņin butnaņ antitipiņ ekņenan manġenjin ņen ma am nembuyengatan ekņenan manġe ņen ma am kalaņanġatnaņ ekņenan manġenjin ņen ma amobotnaņ ekņen manġenjin ņen ma mulup an ekņenan manġenjin ņen ke ku mimiņ mamip. Nin sambe bepi Kilaisiyan temakwep pende zamndemti ningat Amobotnaņ mamti mamdelan zemndein.

Nin dopman mukulem mukulem mti mamam-banup

¹² Âpme am Kawawanġalen zapat mamaip, in gogot mimindamti iķņanġat zapat ombemindeye. Kegogapmti in mama mimi ekņen kapi mkipman beme ingat tip keņin bewe: in am sambe ekņengat kembenj mimindamti indamukulem mimindewep. Ma keņ mtot mamti sewakņan palen mama ma ammak ņeņ beluņ beluņ mimipiņ ma bakbak palen mama ekņen keyan ingalen mama bemâbe.

¹³ In yomġat dopman mututu mulup ke kumbep. Tunġuwinan yunġunġu sokbeme in yom ke

katikpewep. Amobotnanan ingalen yom sambe bee katikpeme delan zeye, sepem kegogak in ilinak yomgat dopman katikpe katikpe mti mam-bep.

¹⁴ Kegok mti in gogot palen mama keyan mama mimi dolaknan sambe mamip keyet tepuman bemti tabe.

¹⁵ In Kilaisiyan kenj sewaknan penan mami-mindain keyepm in egalen kenj sewaknan keyan indikdamun mme am namkinpepeninmak kenj kwep bemti kenj sewaknan palen mam-bep. In kogok mimiyet Kilaisiyan indakumtetitinan keyet in Kawawangat sikn zemti sesewatpewep.

¹⁶ Mti Kilaisiyelen Zet Zapat Dolaknan Penan ke keninan mkipman beip keyet penanan ilinak Kawawangalen zet zemzikat inda mme tunguwinan palaknan bemti wembe. Weme nolneyet ankenoo zet notnan diindomti ilinsakwep olojen palen mam-bep. Apme kan katan silik dundundunanan sesewat silik ma Kawawangalen Zet Itananan zet tazin ke silik kuip ma silik notnan Zisasiyet milim kukuunan eknen ke kumti Kawawang sesewatpewep.

¹⁷ Apme in zet kwileki nen zesat ma mulup kwileki nen msat nambep beme in Zisas Kilaisiyelen an penan tati mulup ke mti Kawawang Bipmangat Kilaisiyet pmbenanngapmti wisikn zemti sesewatpewep.

Nemba ma mambiwine eknenan sepem zigok mame nep bewe

18 Imbi, in mama mimi dolakŋaŋ Amobotnaŋaŋ nâmtikŋaŋ mamin ke etaŋ mti awin eksem indewep.

19 An, in imbiŋine ekŋengat gogot mimindamti ku indom kumti sewakŋaŋ palen indatim mamambep.

20 An imbi nemba, in mamin biwinanŋalen zet zeme keyet katanŋ zelin gawepuwep. Kegok mme Amobotnaŋaŋ ingat nâme dolakŋaŋ penanŋ bewe.

21 Nemba isisikŋaŋ ekŋenaŋ ŋenzinziŋ palen mamambepmagengat nemba biwineyaŋ zet memendepmak yaŋepiŋ ku mimindawep.

22 Sisiliŋ an, in msalengalen amobotnaŋine mamaip ekŋengalen zet gawepuwep. Mneti in ekŋenaŋ indikme pembenanŋ bembeyet etaŋ mulup mbepmagengat eksemte keŋ oloŋen palen Amobotnaŋ kululuŋen main egat nâme mobotnaŋ beme amobotnaŋine msalen maip ekŋengat zelin kandaŋan meti mulup dolakŋaŋ mti mamambep.

23 In mulup mbep katanŋ wa am ekŋenaŋ indikme pembenanŋ bembeyet nâmti ku mbep. Amobotnaŋ kululuŋen main egaŋ indikme pembenanŋ bembeyet nâmti muluwin indandaŋan nâmsemteŋ windemberŋ mbep.

24 Mulup keyet tosaŋaŋ kwitnaŋ kwitnaŋ dolakŋaŋ Amobotnaŋmak kululuŋen gwaen bempenŋaŋ ke mopme indawe. In Amobotnaŋ Kilais egalen mulup mamnup kegok nâmti mulupmanŋ windenŋanbeŋ mamambep.

25 An ŋenaŋ mulupmanŋ myuŋguwe beme an keyaŋ maneti mulupmanŋ keyet tosaŋaŋ sepem

kegogak tiwe. Amobotnaŋmagen ken ke ken ke ku matasaingapmti zetnaŋgat penaŋ sokbewe.

4

¹ Amobotnaŋ msalengatnaŋ, ingat Amobotnaŋin kululuŋen gwaen tazingapmti egat otnâme mopme sisiliŋ nembraŋine dolakŋaŋ mimindamti kwitnaŋ kwitnaŋ ekŋengat ondekmambewien esemteŋ indawep.

Dundundumak mama keyelen set

² Dundundu katikpepepiŋ keŋin kaik tapme kwitnaŋ kwitnaŋ nâmbiliweti ke mkatik be-mti tambu misa dundunduŋinanen Kawawaŋgat dundumti wisikŋ manzemambep.

³ Mti ningat kegogak dundume Kawawaŋaŋ ndamukulem mti set aikndeme in Kilais egaŋ Kawawaŋgalen Zet Zapat Dolakŋaŋ Penaŋ enzililiŋaŋ nin yomengatnaŋ ndatitiyelen koge tazin ke sosok msat kataŋ zemkawaŋ bewanup keyet set aikndawe. Neŋ zet keyet mulupmaŋ mmepma keyepmti nati mka katikŋan neme talap.

⁴ In nâgât mulup kegok mimiyet nâmti dundume Amobotnaŋaŋ namukulem mimneme neŋ Kilaisiyelen buŋam zapat nin yomengatnaŋ ndatitiyelen peme koge tazin zet kapi weyaŋti zemkawaŋ bema am sambeyaŋ nâme delan zewe.

⁵ In am nâmkijpepeŋinpiŋ ekŋengat tuŋguwinan mamti Zisasiyet kwizet buŋamaŋ zempalakŋaŋ bewep. Mti mulup belak mimiyet kaŋin belak kileŋ walebepgat nâmâtâti mbep.

⁶ In zelin sewakŋaŋ palen zeme amnaŋ nâme tikŋaŋmak bewe. Kegogapmti am notnaŋgalen yaŋkwesisiŋinaŋgat dopmaŋ zigok ma zigok gilik zemti indawep.

Pâlaŋ Tikikasmak Onesimas zemideme Kolosi mkaen mebun

⁷⁻⁸ Neŋ mulup zigok zigok mammelap eyet zapatnaŋ Tikikasiyaŋ ikŋaŋ ke diindome nâmbep. An ke nâgât notn penaŋ ma Amobotnaŋgalen sisiliŋ an zet gawepupuŋaŋ temaŋ penaŋ tazin. Keyepmti egaŋ mulup kapiyet namukulem dolakŋaŋ penaŋ mamin. Keyepmti neŋ ek pema inmagen koti zapat sambe ke mimindamti keŋin mme eleŋ beleŋ bembeyet nâmti ek inmagen pema kozin.

⁹ Âpme Onesimas ekgut nâmkinipepeen notn dolakŋaŋ ma an zet gawepupuŋaŋ temaŋ penaŋ ilinaŋgat dapmelaŋge keyelen an ekmak Tikikas ilisakwep itdema koti kwitnaŋ kwitnaŋ ninmagen pien zigok tasokbemezin keyet zapatnaŋ diindome nâmâbep.

¹⁰⁻¹¹ Notn Alistakas ek neŋmak nsakwep mka katikŋaŋ kapi ndakot ndeme matalup. Nitmak Banabasiyet donaŋ Makmak Zisas kwitnaŋ ŋen Zastas manzeip egelaŋ in indamukumindeip. Âpme nin Mak peman inmagen kokogat buŋam zapatnaŋ eweŋaŋ zeman nâmbien keyepmti egaŋ maneti kot inmagen patanaŋ zeme ekti in oloŋen mti betnaŋ butempemti mukulem mpewep. Zuda am maŋge sambe ekŋen kapiyet tunguwinangatnaŋ an ekŋen bukapi etaŋaŋ sokbemti Kawawaŋgalen zemâtâtâtgalen

katnanen mama keyelen mulupgat namukulem mti mulup mti nâgât keŋ mkipmaŋ mambeip.

¹² Âpme inmagengatnaŋ an ɲen Epapalas ek Kilais Zisasiyelen mulup an egaŋ keŋgak indamukumindein. Mti in nâmkɲepepe katikɲaŋ be-
mtati Kawawaŋgalen zet tazin keyet kataŋ mamti kwitnaŋ kwitnaŋ dolakɲaŋ etaŋ mimiyet nâmti kan kataŋ keŋ sindem palen dunduduŋanen in indabandim mamimindein.

¹³ Neŋ egat yaŋaŋ ɲep nâmâtâlap egaŋ ingat ma Laodosia animbi ma Ielapolis mkaen animbi maondegip in indamukulem mimiyet sek sindem mulup omba penaŋ matin.

¹⁴ Luk ek ningat notn dolakɲaŋ ma ek an dokta ekmak Dimas eŋelaŋ keŋgak in indamukumindeip.

¹⁵ Âpme neŋ Laodosia mkaengatnaŋ animbi ma dapmelaŋge imbi nâmkɲepemak Nipa egalen mkaen maondegip ekɲen indamukumindemti zet zeap kapi mediindome nâmbep.

¹⁶ In papia kapi mti animbi makumindame nâme delaŋ zemâpme bam naman beme Laodosia mkaen am nâmkɲepemak mamaip ekɲenmagen mepme maiŋti nâmbep. Âpme ekɲengat kuwan ke neman beme inmagen kopme in maiŋti nâmbep.

¹⁷ Âpme in Akipasiyet pigok zeme nâmbep, Kawawaŋgalen Zet Zapat Dolakɲaŋ Penaŋ timamti zenzeyet mulup sasaŋaŋ zeme ke weyaŋti kakanemuŋ mmeti mdelaŋ zewe.

¹⁸ Neŋ nen penaŋ betnaŋ muluwaŋ kapi kuyap. Neŋ mka katikɲan matalap keyepmti in nâgât

kandapin nâpeŋ mamambep. Kawawangalen
keŋ taolelaŋ inmak tatagat nâmti dunduyap.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

ea68a902-358a-5c72-82de-a583fc4809e7